

醫方類聚卷之六十二

傷寒門三十

拔粹方三

乾薑四逆湯十五證方七道

太陰本病論

尺寸俱沉細者太陰受病也太陰標本俱陰



故脉沉者陰細者陰也是從標本故緩也
脾藏當緩不緩是不從五行而從標本其
經始於足大指隱白從足上行至腹布胃



絡嗑在經之爲病腹滿嗑乾自太陽中風
反下之利不止傳入太陰之本腹滿時痛
宜桂枝加芍藥如腹滿而實痛者桂枝加
大黃此二證從太陽傳變而來也

少陰本病論

少陰脉尺寸俱沉標本俱陰其經始於足心
循腹上行繫舌本貫腎絡肺故口燥舌乾
而渴爲經病也身寒自汗四肢攣小便清
腹滿惡寒脉沉而微此少陰本病也當温

之宜附子輩治少陰乃以熱治寒皆少陰
本藥也

乾薑附子湯

乾薑 一兩
附子 一个炮
去皮臍

右咬咀每服五錢水煎

少陰病脉沉而微本寒也宜乾姜附子湯發
汗病不解反惡寒者虛故也小便清大便依
度腹痛者皆宜芍藥甘草附子湯

芍藥 各參
甘草 兩
附子 一个炮
去皮臍

右咬咀每服五錢水煎

太陽病傷寒頭疼項強當發其汗反下之清
穀不止裏寒也一身疼痛者表寒也急當
救裏者先治其本宜四逆湯從少陰本也
穀氣裏和外身疼痛後治其表宜桂枝湯
四逆湯

甘草一兩 乾姜七錢半 附子半個

右剉如麻豆大水二盞煎至七分去滓溫服

太陽經與表感風濕之氣相搏骨節煩痛者
濕氣也濕則關節不利故疼掣而不能屈伸
者風也汗出身寒脉沉微短氣小便清而不
利者寒閉也惡風者表虛也或微腫者陽氣
不行也宜甘草附子湯

甘草一兩 附子一個 白朮一兩 桂枝兩

右剉如麻豆大每服五錢水煎溫服汗出即解

陽明今病身熱鼻乾脉浮而遲遲則為寒表

熱而裏寒清穀下利宜四逆湯

太陰病腹痛脈浮者太陽也故宜桂枝湯自利不渴者裏寒也屬太陰脾本藏寒也脈沉而細當溫之宜四逆輩

少陰病足腫寒體重痛手足冷而逆骨節疼脈沉者本病也宜附子湯

附子一介 茯苓 人參各一兩 白朮二兩 芍藥

半一兩

右剉如麻豆大每服五錢水煎服日三

少陰本病身寒脈沉遲口中和背惡寒四肢冷小便清者宜附子湯

少陰病足腫寒如泄小便清吐逆者裏寒也寒多不下食手足逆冷表寒也煩燥欲死者陽虛也宜吳茱萸湯

吳茱萸參兩半 人參七錢半 生姜一兩 大棗參枚

右剉如麻豆大每服五錢水煎溫服中飲少陰病下利清穀裏寒外熱手足逆冷脈微欲絕惡寒或利止脈不出宜通脈四逆湯

甘草二兩 附子大者一介炮 乾姜叁兩炮

右剉如麻豆大每服五錢水煎服未差再服 面赤者加連鬚葱白五莖 腹中痛者去葱加芍藥三兩 嘔者加生姜二兩 咽痛者去芍藥加桔梗一兩 脉不出者去桔梗加人參二兩

少陰病足脛寒腫四肢冷其人或咳者肺寒也乾嘔者胃虛也小便清而不利者寒閉也腹中痛者腎病也或瀉下利者寒在下

焦也故曰宜四逆湯

少陰病足脛寒食入則吐裏寒也心中溫溫欲吐者胃虛也復不能吐者肝氣也始得之手足寒脉弦而遲者腎肝也胃中實不可下陰氣在上也當吐膈上寒飲欲嘔者不可吐寒在上焦故不可吐也當溫之宜四逆湯

諸變證方一十四道

厥陰病手足厥冷自汗小便清而利脉細欲

絕者厥陰也宜當歸四逆湯

當歸 桂枝 芍藥 細辛各一兩 甘草

通草陸錢七分半

右剉如麻豆大每服五錢水二盞棗一枚煎至八分去滓溫服

厥陰病四肢滿悶大汗出熱不去者虛陽之氣也內拘急腹中痛下利氣逆於上惡寒厥逆脉細而微者宜四逆湯
厥陰病四肢拘急大汗出而下利者表裏俱

寒者也其脉細而厥宜四逆湯

厥陰病傷寒厥陰本自寒下醫復吐下之胃中虛寒故食入吐脉細而微乾姜黃芩黃連人參湯

乾姜 黃芩 黃連 人參各七錢半

右剉如麻豆大水煎溫服

厥陰病四肢拘急下利清穀裏寒外熱也汗出而厥者表虛也脉細而絕者陽氣衰也宜通脉四逆湯

厥陰病四肢拘急傷寒脈滑者為陽脈也故
言裏有熱白虎湯主之手足厥逆脈細欲
絕者當歸四逆湯主之

厥陰病四肢拘急而嘔脈弱皆陰病也小便
復利者裏虛也身微熱見厥者不相應也
故為難治宜四逆湯

厥陰病四肢厥逆脈細而微內傷寒邪胃中
無食而虺厥時靜時煩為之藏寒虺上入膈
時時煩也得食而吐虺者聞食氣而上出也

宜烏梅丸

烏梅七十斤 細辛 乾姜 附子 蜀椒

黃蘗各一斤 黃連四兩 當歸一斤 人參二兩 桂枝

去皮一兩半

右十味異搗篩合治之以苦酒漬烏梅一
宿去核蒸之五升米下飯熟杵成泥和藥
令相得內白中與蜜同杵二千下丸如桐
子人先食飲服十九日三服稍加至二十
丸禁生冷滑物等

厥陰病七八日膚冷者表寒也病人躁無暫安者此為藏厥非虵厥也藏厥者藏寒也宜四逆湯 其人常自吐虵者亦虵厥也宜烏梅丸

厥陰病四肢厥冷脉乍緊心下滿而煩者寒實在胃而煩也宜吐之以芡蒂散

芡蒂一錢赤小豆熬黃

右擣篩已合治之取一錢豉一合湯七分令先漬之須臾煮作稀糜去滓取汁和散

頓服不吐少少加得快吐乃止諸亡血虛家不可與之

厥陰病四肢拘急心下悸裏有水宜先治水以茯苓甘草湯

茯苓各二兩生薑各二兩桂枝各二兩炙甘草各一兩

右剉如麻豆大每服五錢水煎溫服

厥陰病四肢拘急內傷寒物下利日十餘行脉反實者脉病不相應也故死下利欲飲水者有熱故也脉當實宜白頭翁湯

白頭翁湯

白頭翁

兩半 黃蘗

秦皮

黃連

各七錢半

右剉如麻豆大水二盞每服五錢煎服不差再服

傷寒陽脉濇陰脉弦寸濇者陰也陰脉弦者肝脉也木能剋土法當腹中痛當補脾胃先與小建中湯不差與小柴胡湯
太陽傷寒當解表服下藥利不止心下痞者脾胃虛也當與理中丸和之利益甚者邪在

下焦也宜赤石脂禹餘糧湯

赤石脂 禹餘糧

右剉碎每服五錢水煎溫服

服藥後利不止者邪在太陽之本故當利小便却與禹餘糧湯則愈

理中丸

人參

兩 乾薑

甘草

白朮

各一兩

右為細末煉蜜為丸如鷄黃大以湯數合和丸碎研溫服日三腹中未熱益至三四

丸煎熱粥飲之

太陽中風自汗出醫反發其汗必恍惚心亂以虛而反又一虛之則心神虛而恍惚小便已陰疼氣虛也宜禹餘糧湯

太陽傷寒頭痛當以藥發其汗而解醫反以火迫劫之而亡陽必驚狂起臥不安者火邪內變也宜桂枝去芍藥加蜀漆牡蠣龍骨救逆湯

桂枝 生姜 蜀漆 各一兩半 甘草 一兩 牡蠣 二兩

半龍骨 二兩 大棗 六枚

右剉細每服五錢水煎溫服

病如桂枝證頭痛項不強身熱自汗當與桂枝湯服藥後未解寸脉浮胃中痞故寸為上部胃中痞者膈上病也氣上衝不得息者邪結在上也此為胃中有寒宜吐之以芡蒂散

太陽經病欲傳少陽必自利傳裏也宜茯苓湯 若嘔者少陽也宜黃芩加半夏生姜

湯

黃芩湯

黃芩七錢 芍藥 甘草炙各五錢 大棗參枚

右剉細每服五錢水煎溫服

太陽經傷寒傳裏胃中有熱胃有邪氣傳陽

明本也腹中痛欲嘔者熱在內也宜黃連湯

甘草 黃連 乾姜 人參各七錢半 大棗參枚

右剉細每服五錢水煎服

傷寒發表攻裏後又吐下之表解後心下痞

硬噫氣不除寒熱不交則氣噫而不除宜旋覆代赭湯

旋覆花七錢 人參半兩 生姜乙兩 代赭二錢 甘

草半兩 半夏二錢 大棗參枚

右剉細分三服水煎溫服

諸雜證方十二道

傷寒少陰經絡於肺繫舌本邪在胃結於咽

喉中痛而不利或為失音白通豬膽汁

桔苦酒之類皆少陰之經藥也非少陰本

藏之藥也脉皆浮弱是以膈上至頭之有疾雖在上部之法亦少陰也傷寒病在裏常下麻仁丸蜜導煎土苻根豬膚湯之類非熱氣在胃而實脾約中燥而結跌陽脉浮而濇脉浮而無力下之而弱雖當下之不可使用承氣何也內陰結故也下之則損胃傷陽故當潤而通之勿令損氣察脉之虛實勿令悞也傷寒六經發表攻裏標本逆從各有高下不同輕重亦異如少陰

之標本病也常溫之以附子四逆湯輩同太陽麻黃桂枝之法如桃花湯禹餘糧湯龍骨牡蠣救逆湯輩皆重泄之藥旋覆代赭乃輕重之藥同太陽大柴胡承氣輩草輕石重者皆少陰本藥沉墜於下也陽明經病自汗出醫又發其汗小便當不利今反自利津液內竭也雖大便硬乾燥不攻之宜蜜煎導而通之若土瓜根豬膽汁皆可為導

蜜煎導

蜜四兩

右一味內銅器中微火煎之稍凝如飴狀攪之勿令焦捻作錠子如指長二寸當熟時急作令頭銳內穀道中欲大便去之

猪膽汁方大猪膽去脂瀉汁和法醋少許以灌穀道中如一食頃當大便

太陽經病反小便不利者熱結膀胱也大便乍難乍易者胃中有微熱也宜大承氣湯

下後食穀欲嘔者屬陽明胃虛也宜吳茱萸湯

跌陽脉浮而濇小便數跌陽者胃脉也足趺上衝陽是也脉當浮緩今反浮濇者雖小便數大便硬非沉數不可下浮濇者脾約也故宜麻仁丸

麻仁半升芍藥二兩厚朴二寸半枳實二兩半

杏仁二合去尖尖大黃四兩去皮

右為散蜜和丸如桐子大飴飲下十九丸未

類聚卷六十二

十一

知益加之

少陰本病二三日至四五日腹中痛者有太陰也小便不利者太陽本也便膿血者少陰本受濕也宜桃花湯

赤石脂

四兩 粳米

乙合 乾姜

二錢

右以水二盞煮二味半熟去滓內赤石脂細末一方寸匕溫服

少陰病下利咽痛者少陰也胃滿心煩者有熱也宜豬膚湯

豬膚

四兩

右一味以水二大盞半煮至一盞二分去滓加白蜜二兩半白粉一合二勺半

少陰病二三日咽喉痛者少陰繫於舌故咽痛也宜甘草湯不差與桔梗湯

甘草湯

甘草

一斤

右剉細每服五錢水二盞煮至六分去滓溫服日三加桔梗一兩便為桔梗湯

少陰經病咽中生瘡不能言語聲不出者宜苦酒湯

半夏洗大者四十个雞子一个去黄内苦酒著卵殼中

右半夏著苦酒中以雞子殼置刀鏤中安火上合三沸去滓少少嚥之

少陰病下利脉微宜白通湯

附子一个生用乾薑一两

右剉細每服五錢入葱一寸水煎

白通服後利不止厥逆無脉乾嘔者少陰本

病也宜白通加豬膽汁湯

附子一个去皮臍分八片只用二片乾姜二錢半葱白一莖溺

二合豬膽四分

右為末水一大盞煮至五分去滓內溺膽汁和調相得溫服

少陰經病至四五日腹痛者裏有濕也小便不利四肢沉重者裏寒也疼痛者裏有水也或欬者氣逆於上也或小便不利者濕毒在內也或下利者脾氣盛也或嘔者胃氣虛也

宜服真武湯

芍藥二兩附子一介炮生薑七錢白朮五錢茯苓

苓一兩

右剉細每服五錢水二盞煮至八分去滓

溫服日二 欬者加五味子七錢細辛二錢

半

少陰病二三日已上經病日去心中煩不得

卧者少陰本受熱也宜黃連阿膠湯

黃蘗乙兩黃連二兩阿膠一兩梔子仁半兩

乙兩

二兩

二兩

一兩

一兩

半兩

半兩

右為細末每服四錢水二盞煎服

病人手足厥冷者厥陰本病也脉乍緊者為

寸脉緊也心下滿而煩者邪在胃中也宜

芡蒂散

厥陰傷寒心下悸者內傷冷水結於心下故

悸也宜茯苓甘草湯

痙濕暍十六證方十二道 痙證

夫傷寒痙濕暍者風濕熱也風氣感而重者

為之痙濕氣感而重者變為發黃暑氣感

而重者為之暍太陽表與經傷寒中風相似太陽陽明所致也

太陽經與標病發熱無汗惡寒者表實也頸項強而脈浮結背反張名剛痙宜麻黃加

獨活防風湯

方在前
難知中

太陽經與標病發熱者標也自汗者表虛也頂背強而脈浮弦者柔痙也宜桂枝加川

芎防風湯

方在前
難知中

太陽標病發熱者在表也脈反沉細者附太

陰也沉為在裏細者必腹痛宜桂枝加芍

藥防風湯

方在前
難知中

太陽經與標病因發汗過多榮氣內虛不能

榮於筋風氣變動故口噤因汗多而傳陽

明也陽明經俠口環唇背反張者太陽病

身之後為所生病宜去風養血防風當歸

散

方在前
難知中

傷寒汗下後不解乍靜乍燥目直視口噤注

來寒熱脈弦者少陽風痙也宜小柴胡加

防風湯

方在前
難知中

濕病

太陽經與標有濕氣榮衛俱病也關節煩疼而小便不利脉沉細者濕氣在內也屬太陰故小便不利大便反快宜勝濕利小便五苓散猪苓湯

太陽標病一身盡痛者表也身如薰黃者陽明脾胃相傳之變也茵陳蒿湯

濕家病者太陰也頭汗出背強欲得覆被向

火者本陰也勿下之下之早則為痞氣乃胃冷則為噦胃滿小便不利舌上白胎者陰陽反作也寒反在上則舌上白胎熱反在下則小便不利故曰丹田有熱胃中有寒渴欲飲水者丹田有熱也得而不能飲者胃中之寒也故不治為關格病也濕家下後陰陽和額上無汗上焦和也小便利者下焦治也故生如下後小便不利額上汗出不止微喘陰陽相離故死也

太陽表病風濕相搏榮衛俱病一身盡疼表氣不和當汗而解之風隨汗出值天陰雨不止濕氣不除後微發其汗風濕皆去也宜麻黃加葛根湯

杏仁

二十五个
去皮尖

麻黃

桂枝

葛根

各一兩

甘草

半兩

右剉細每服五錢或一兩水三盞煎至七分去滓溫服

濕家一身盡疼發熱面黃而喘頭重鼻塞而

煩其脉大自能飲食腹中和無病病在頭中寒濕故鼻塞而煩內藥鼻中則愈

暍病

太陽中熱者暍是也汗出惡寒者在表也身熱而渴者在上焦焦也宜白虎加人參湯頓服之

太陽中暍者身熱而煩汗欲出反飲冷水嚙之汗不能出水行皮中而脉微弱表有水也當發其汗宜升麻湯

升麻 葛根 芍藥 甘草 各一兩

右剉細每服一兩水三盞煎服

太陽中暍者發熱惡寒身重而疼痛其脉弦細芤遲小便已洒淅毛聳手足逆冷小有勞身卽熱口開前板齒燥若發汗則惡寒甚加溫針則發熱甚數下之則淋甚何也爲脉弦細芤遲此其禁也齒乾者牙乃骨之精今燥者骨熱也針藥不能治當灸大杼穴

論傷寒霍亂并治

夫傷寒霍亂者其本於陽明胃經也胃者水穀之海主稟四時皆以胃氣爲本與脾藏爲表裏皆主中焦之氣腐熟水穀脾胃相通濕熱相合中焦氣滯或因寒飲或因飲水或傷水毒或感濕氣冷熱不調水火相干陰陽相搏上下相離榮衛不能相雜故轉筋攣痛經絡亂行暴熱吐瀉中焦胃氣所主也有從標而得之者有從本而得之

者有從標本而得之者六經之變治各不同察其色脉知犯何道隨經標本各施其治此治霍亂之法也

傷寒吐瀉轉筋身熱脉長陽明本病也宜和

中平胃散建中湯或四君子湯

方在前
難知中

脉浮自汗者四君子加桂五錢主之

脉浮無汗者四君子加麻黃五錢主之

傷寒吐瀉轉筋者脇下痛脉弦者木尅土也

故痛甚平胃散加木苳五錢亦可治宜建

中加柴胡木苳湯

方在前
難知中

傷寒吐瀉後大小便不通胃中實痛者四君

子加大黃一兩主之

傷寒吐瀉轉筋腹中痛體重脉沉而細者宜

四君子加芍藥高良薑湯

方在前
難知中

傷寒吐瀉四肢拘急脉沉而遲此少陰霍亂

也宜四君子加姜附厚朴湯

方在前
難知中

厥陰霍亂必四肢厥冷脉微緩宜建中加附

子當歸湯

方在前
難知中

勞傷并治

大病差後真氣未全强行房事勞損督任二
經故少腹裏急或引陰中急痛拘急熱氣
上衝胃頭重不能舉目中生花脛拘攣兩
足躄脉督任四經病可易取男子婦人視
燒之名燒視散方在前陰
證略例內
太病差後勞復身熱而煩脉微數無汗下證
者枳實梔子湯主之有表則汗之 有裏
則下之

大病差後正氣尚虛不能施化水穀為榮氣
故腰下有腫當利其水行其氣宜牡蠣澤
瀉散

大病新愈喜唾不休正氣尚虛胃中寒腎主
液自入為唾宜理中丸

大病新差久虛瘦少氣欲吐正氣不復也宜
竹葉石膏湯

大病已解因食後微煩者正氣不能勝穀氣
也穀氣與正氣相搏故日暮而煩減食則

愈若勞乎氣無力與精神者微舉之若勞乎血與筋骨以四物之類補之若勞在脾爲中州也調中可矣
諸證辨

水證

凡病表裏傷寒而口乾引飲水氣在內停而不散外有表證未除內有水者小青龍湯主之表證外除裏有水氣不散者十棗湯主之

渴飲水證

與桂枝麻黃發汗之後脉洪大而渴者有二

上中下有熱分三藥所主而治之肺熱於上焦渴而飲水

故上焦之渴白虎湯也熱在中焦胃熱

飲水小便不利故中焦之渴豬苓湯也

熱在下焦膀胱有熱而渴小便不利五苓

散也

言陽厥陰厥證

凡厥者厥陰也或脉見與不見併之陽明本

胃中實口乾而渴欲飲水爲熱厥其人狂言妄語如見鬼狀雖熱不見脉伏於內也故厥深熱亦深厥微熱亦微併於太陰少陰之中大便自利體重惡聞人聲雖有狂言口乾而不渴此寒厥也雖脉沉者爲沉數也非沉遲也沉遲爲陰也

小便不利證

凡病小便不利者太陽之本也所併既異治亦不同併之陽明之本不利者下之則

利不必五苓也併之少陽之經而不利者和之陰陽和則利亦非五苓也併之少陰而不利者溫之則利亦非五苓也併之厥陰而不利者溫之而利亦非五苓也太陽標本自併而不利者則五苓散主之

發黃證

凡發黃有六有畜血有濕熱實有風濕熱虛有寒濕有結胃有痞氣畜血發黃邪熱

傳於太陽之本小便先淋而黃其人暴狂
內有血也爲太陽發黃本病也濕熱發
黃太陰併陽明之本爲濕熱發黃而小便
不利風濕熱發黃併少陽也寒濕發
黃太陰併少陰也結胃發黃附太陽也
痞氣發黃附太陰也

凡六者各隨脉證標本而治之大抵發黃
從太陰陽明而論陽明屬胃太陰屬脾皆
土也故見黃色當從其脾故脾病色黃土

氣化濕非濕毒氣何能發黃又涼藥太過
亦能生黃惟寒濕與此宜溫也

結胃證

結胃病邪氣動膈結於胃中故名結胃非標
本傳變而有妄下而有也邪在太陽之標
反下之邪熱乘虛內陷胃中結而痛甚熱
而煩燥手不可近頭微汗際頸而還大陷
胃湯結胃背項強如柔瘥狀邪氣結於
內柔瘥多汗結胃自汗陷胃尤小結胃按

之實痛心下微硬脉浮而滑小陷胃湯

三證結胃皆日晡潮熱

結胃微熱者水結胃也必謹察之無令妄治

痞氣證

痞氣按之軟而不痛寸沉關浮而有熱者大黃黃連瀉心湯 傷寒汗下後身寒痞滿而嘔食飲不下脉微按之不痛非柴胡證宜半夏瀉心湯 傷寒發黃於陰反下之

後心下痞而惡寒自汗脉遲者附子瀉心湯 傷寒汗下後聞食不欲食自利腸鳴而心下痞滿者生薑瀉心湯 傷寒汗下

後心中痞大便硬又下之道氣上衝大便復硬也胃氣虛故也當和胃氣甘草瀉心

湯 瀉心湯 傷寒汗下後聞食不欲食自利腸鳴而心下痞滿者生薑瀉心湯 傷寒汗下

虛煩為汗之後有之也汗虛其表下虛其裏表裏俱虛陰陽氣爭故煩而不得眠神志

不安心中懊懣故曰虛煩各變以象應之
汗下後心中懊懣頭汗出煩而不得眠心中
微結而痛者梔子豉湯主之

傷寒醫以丸藥下之身熱不去裏不結微煩
而不得眠者梔子豉湯主之

傷寒汗下後喘而不得眠者梔子豉加杏仁
二十枚主之

傷寒汗下後咳嗽而煩不得眠者梔子豉加
人參芍藥各五錢主之

傷寒六經諸證

凡發表皆太陽也邪初傷皮毛腠理太陽經
行身之後爲表之表故可發汗 太陽非
頭痛項強不可發汗 非身熱惡寒不可
發汗 非脉浮不可發汗

陽明凡發熱蒸蒸發熱翕翕發熱皆不惡
風可解其肌 少陽往來寒熱可和解之
凡此三者皆標病經病故外則從太陽內
則從陽明陽明主胃胃者水穀之海諸經

本傳至陽明而不傳也

非陽明之本不可下陽明本病胃家實故也

非痞滿燥實不可下 非潮熱發渴不可

下 非罵詈不避親疎不可下 非脈沉

數不可下 非棄衣而走登高而歌如見

鬼狀不可下

非少陽不可和雖有太陽而見少陽去證使

可和之不必悉具 非往來寒熱不可和

非脇肋急痛不可和 非胃滿而嘔不可

和 非脈緩者不可和

夾中必微內

非太陰不滿滿者痞氣也因妄下傷胃內損

穀氣脾胃既衰不能行氣於四藏結而不

散故為痞故非太陰無痞 非太陰不自

利 非太陰腹中無虛滿 非太陰腹中

非少陰而不溫足少陰腎本寒故也 非泄瀉

下重腹痛少陰也 身寒拘急少陰也足

脛寒逆少陰也脈浮而微故溫之也

非厥陰而不逆胃虛寒氣逆於上厥陰也少

四肢厥冷身寒者厥陰也 邪在三陰少
陰證多邪在三陽太陽證多

兩感傷寒證

兩感於寒不治者表裏俱傷標本皆病故知
不治外則腠理不閉榮衛不能守衛氣不
能護內則大小便不禁穀氣不能榮養少
氣脉微而欲絕者故不治 有兩感可治
者感異氣也使表中風內傷於寒可治
表中於濕內傷於寒可治 表中於熱內

傷於寒可治 當切脉逆從以知吉凶兩
感之邪三陰三陽皆有之脉從陽可治脉
從陰難治陽生陰死此之謂也

關格病

陰陽易位病名關格胃膈已上陽氣常在熱
則爲主病身半已下陰氣常在寒則爲主
病寒反於胃中舌上白胎而水漿不下故
曰格格則吐逆 熱反丹田小便不通故
曰關關則不得小便胃中有寒以熱藥治

胃中之寒丹田有熱以寒藥治丹田之熱
胃中有寒上下之法治上當緩治客當急
尺寸反者死陰陽交者死關格者不得盡
其命而死矣

傳變諸證并方

傷寒汗下後熱結胃中者宜桔梗連翹湯

桔梗 連翹 黃芩 各一兩 薄荷 甘草

川芎 各五錢 梔子 一个

右剉細每服一兩水三盞煮至一盞去滓

溫服

傷寒汗下後熱結胃中大便澀微小便赤者

宜黃連梔子湯

黃連 梔子 黃芩 大黃 四味各五錢

右剉細每服一兩水三盞煎服

傷寒後心風狂妄者宜防風黃連湯

黃連 大黃 防風 遠志 茯神 五味各半兩

右剉細每服一兩水三盞煎服

傷寒汗下後頭痛起目眩者宜獨活湯

防風 獨活 旋覆花 當歸 四味各七錢

右剉細每服七錢生薑同煎

傷寒汗下後腹中時痛小便清者芍藥乾薑

湯

芍藥 乾薑 白朮 桂枝 四味各半兩

右剉細每服五錢生薑同煎

傷寒熱病後頭痛不止石膏川芎湯

石膏 川芎 二味各一兩

右為麤末每服五錢水煎服

傷寒汗下後頭痛不止不可再發汗石膏

湯

石膏 葛根 麻黃 各五錢 黃芩 芍藥

甘草 各七錢

右剉細每服七錢生薑同煎

傷寒汗下後餘熱不退或煩或渴而赤者人

參散

人參 梔子 藍葉 甘草 白鮮皮 各半

兩 甘草 白糖 牛

右剉細每服五錢水煎服

傷寒汗下後熱不除而渴者人參知母散入

傷寒汗下後裏急後重下利者七宣丸

大黃兩一 桃仁十二去皮尖 木香五錢 檳榔五錢 訶子

皮五錢 黃芩 沙參

右為細末煉蜜為丸如桐子大每服五十

丸溫水下傷寒汗下後大便不通再經者

傷寒汗下後大小便自利腹中痛者燥腸丸

附子炮 龍骨半兩 乾薑兩 吳茱萸兩 米殼

右為細末酒糊為丸如梧子大每服三十

丸溫水煎服勿服

傷寒汗下後喘咳不止恐傳肺痿補肺散

人參兩 五味子五錢 桑白皮兩 款冬花 蛤

蚬一對

右為細末每服五錢沸湯一盞調服

傷寒汗下後咳嗽肺虛聲音嘶敗者阿膠散

傷寒汗下後咳嗽肺虛聲音嘶敗者阿膠散

續命散 三十一

薯蕷和阿膠一兩人參一兩五味子一兩麥門

冬去心白朮一兩乾薑炮桂枝錢五杏仁錢三

去皮

右剉細每服七錢水二盞入烏梅一錢同

煎服

傷寒汗下後喘嗽煩燥氣滯瀆邪氣逆者桔

梗湯

桔梗兩桑白皮各一兩甘草一兩貝母一兩阿黎

勒各五錢

右剉細每服五錢水二盞入五味子烏梅肉各一錢同煎

傷寒汗下後足腫有濕氣不除者木通散

木香一兩木通一兩檳榔一兩獨活各一兩丹參七錢

右剉細每服五錢水煎服

傷寒汗下後飲食不入而逆氣者胃氣虛故

也枳實理中丸仲景有方

傷寒汗下後氣逆利不止者寒也枳實芍藥

乾薑甘草湯

芍藥兩半 甘草兩半 枳殼半兩 乾薑兩

右剉細每服五錢水煎服

傷寒噫氣者何氣使然答曰胃中氣不交故也少陰經至胃中交於厥陰水火之相傳而有聲故噫氣也如聖加枳實湯

甘草 桔梗 枳實炒三味各五錢

右剉細每服五錢入五味子半錢水煎

傷寒氣逆而其無汗下證如聖加吳茱萸湯

甘草 桔梗 吳茱萸炒五錢

右剉細每服五錢入五味子半錢同煎
傷寒汗下後喘而噫氣者如聖加人參藿香杏仁湯

甘草 桔梗 人參 藿香各五錢 杏仁介

去皮尖

右剉細每服五錢水煎

汗下後動氣在左右上下證

傷寒汗下後臍左有動氣者防葵散

防葵兩 木香錢五 柴胡 黃芩各半兩

右剉細每服五錢水煎

傷寒汗下後臍上有動氣者枳殼散

枳殼五錢炒赤茯苓一兩當歸兩京三稜兩炮

木香五錢訶黎勒五錢

右為細末每服五錢沸湯點服

傷寒汗下後臍右有動氣者前胡散

前胡各一兩赤茯苓各一兩大腹皮各一兩人參各五錢

木香各五錢檳榔各五錢大黃各五錢

右為細末每服五錢沸湯點服

傷寒汗下後臍下有動氣者茯苓散

赤茯苓各一兩檳榔各一兩桂心各一兩大腹皮各一兩川芎各一兩

香炮良薑各五錢

王右為細末每服五錢沸湯點服如久不

治傳為積熱治之難痊不可汗下也

林雜方下香人參

雄黃治時疫不相染

雄黃一兩赤小豆一兩炒丹參一兩鬼箭羽各二兩

右為細末煉蜜為丸每服空心以

濕水下五疔確與病同床傳著衣服亦不

相藥矣經驗秘方

柿錢散治吃逆

柿錢 丁香 人參 各等分

右為細末水煎食後服

王氏集驗方

治傷寒

傷寒有數種庸人不能分別今取一藥能兼

治者若初覺頭疼內熱脉洪起至二日服

之妙葛根湯葛根四兩水三升內豉一升

煮取半升服之

四時傷寒初感表裏未辨春宜先服香蘇散

夏宜先服五苓散秋宜先服金沸草散冬宜

先服五積散然後審其在表在裏宜汗宜下

隨証而治之也方並見和劑局方

傷寒發汗後腹下氣滿小便不利茯苓湯方

赤茯苓 去皮桂皮去粗 甘草 炙各一兩

右咬咀如麻豆大每服五錢水一盞半大

東二枚擘煎至八分溫服日三

傷寒汗後陽毒入胃下血頻併疼痛不可忍

勝金散

欬金大者五枚牛黃研阜角

右為散每服一錢匕醋漿水一盞同煎三

沸服

陽毒傷寒發熱煩躁五解湯

山梔子人黃芩去黑心甘草炙大黃剉醋炒各

一分朴消二錢

右搗篩每五錢水一盞半煎八分空心服

傷寒吐血不止金花散

欬金各半甘草炙青黛兩

右搗羅為末每服二錢匕用雞子白調下

又方地黃散

大黃炒為末龍腦研一錢

右研勻每服二錢匕用生地黄汁調下

傷寒聲不出咳嗽頭疼葛根湯

葛根麻黃去根節各二兩桔梗炒杏仁去皮尖

類聚六

三十一

黃甘草炙 葶藶紙上炒 石膏研各一兩

石粗散每服三錢水一盞煎八分溫服無時

傷寒蠶病生雞子小頭搗出白入漆一合熟和攪令極勻當沫出更內著殼中仰吞之食頃或半日乃吐下虫劇者再服虫盡熱除病愈

豬膽苦酒湯治熱病有蠶上下攻移殺人方豬膽一具苦酒半升和之火上煎令沸三

上三下藥成放溫空腹飲三滿口虫死便愈

溫病下部有瘡虫蝕人五藏方

雄黃 皂角各一分 麝香 朱砂各二分

右四味末之蜜和搗萬杵初得病酒服一丸如梧桐子大日二若下部有瘡取如梧子末內下部日二

傷寒陰陽易方乾薑四兩為末湯調連服以衣被蓋汗出解手足伸而愈

傷寒病新差早起及多食勞復再發方山梔
十枚水三升煎取一升溫服臥令微汗若
食不消加大黃三兩

傷寒下利後更煩心下按之而硬者虛煩也

梔子十四枚 豉四合

右水四升煎梔子取二升半肉豉再煎取
一升分二服得吐止後服嘔有癰膿者不
可服嘔膿盡乃服

陰毒傷寒烏藥一合炒令黑煙起投水中煎

取三五沸服一大盞候汗出回陽立差衛生

易瀉方同

伏暑吐逆小香薷湯方

香薷二兩 人參一兩 白扁豆半兩

右粗末每服三錢水一盞煎六分溫服無

時

傷暑胃膈躁悶昏運倒仆欲死解毒散方

商陸根切開如血色者陰乾

右為粗末每服一錢匕新汲水調下立牛

馬驢驟喘急熱發倒卧調三錢嚙之立効
治熱暈欲死悶亂方以口噓其心上便擣地
黃汁一盞嚙之仍灸兩乳頭各七壯
神木散治傷寒傷風頭疼身痛腰滯腿疼發
熱惡寒無汗

蒼术米泔浸炒荆芥穗 藁本去土乾葛 麻黃

去根甘草

右等分咬咀每服四錢水一盞半生薑三片葱白三根煎至一盞熱服輕者一服汗

出差
醫方大成

傷寒

楊氏家藏方十味和解散治頭疼發熱發散
寒邪

白术二兩桔梗一兩人參去蘆當歸洗陳皮去白枳
殼炒赤芍藥 防風 甘草一分厚朴
姜製半兩

右咬咀每服四錢水一盞姜三片葱三箇

煎熱服不拘時醫方集成南北經方袖珍方同

澹察方五積交加散治內感風寒上膈蘊熱

生料五積散 人參敗毒散二料等分

右和勻每服四錢水壹盞姜五片棗一枚

煎八分溫服醫方集成南北經方袖珍方同

和劑方大青龍湯治傷寒頭痛發熱惡寒無

汗煩燥六脉浮緊

麻黃參桂枝去甘草炙杏仁去皮大

棗五生薑一兩石膏半雞子大○袖

右咬咀每服五錢水壹斗煎八分去滓溫

服取汗為度不可過汗恐亡陽也若汗多

不止用溫粉撲之醫方集成南北經方同

活人方真武湯治傷寒數日已後發熱腹疼

頭目昏沉大便自利小便或澁或嘔或

咳或已經汗不解仍復發熱心下忪悸頭目

眩暈皆由渴後飲水停留中脘所致並皆治

之

茯苓 生姜 白朮袖珍方芍藥各七錢半附

子煎一介

右咬咀每服五錢水盞半煎八分溫服不拘時咳者加五味子七錢半細辛乾姜各二錢半醫方集成南北經驗方同
活人方茯苓四逆湯治傷寒汗下之後病證不解而煩燥者

茯苓一人參八分甘草一分乾姜一分附子一分
去皮生破八片只用二片○袖珍方不去皮
右咬咀每服五錢水壹盞煎八分溫服醫方

集成南北經驗方同

本事方鵲石散治傷寒發狂踰墻上屋

黃連 寒水石各等分

右為細末每服三錢濃煎甘草湯候冷調服醫方集成南北經驗方袖珍方同

濟生方竹葉湯治傷寒大霍亂吐瀉後心虛煩悶內熱不解

竹葉 麥門冬去心人參 茯苓去皮小麥炒
半夏湯泡各一兩甘草炙半兩

右為細末每服四錢水盞半姜五片煎八分温服醫方集成南北經驗方袖珍方同

本事方柴胡散治傷寒病後邪入經絡體瘦肌熱或又咳嗽

柴胡四兩甘草一兩

右為末每服二錢水一盞煎八分食後熱

醫方集成南北經驗方袖珍方同

南北經驗方

傷寒

徐同知加減香蘇散衛生易簡方治傷寒感冒一切雜證

香附子二兩○袖珍方二兩○紫蘇梗易簡方

葉各二錢陳皮乙兩○易簡方一兩○甘草半兩○袖珍方一兩○

錢半

右為剉散每服四錢水一盞半煎一盞生

薑三片連根葱白二莖同煎熟服易簡方剉細小

煎一盞半生姜三片連根葱白三莖煎一盞熱服不拘時日三服甚効頭痛加

川芎白芷 頭痛如斧劈加石膏連須葱

頭 偏正頭風加細辛石膏薄荷 太陽

穴痛加京芥穗石膏 傷風自汗加桂枝

傷風無汗加麻黃節去并乾姜 傷風惡寒

加蒼朮 傷風發熱不退袖珍方此下加有如潮二字

漳柴胡黃芩 傷風咳嗽不止加半夏杏

仁去皮 傷風胃袖珍方 隔痞塞加製枳

殼 傷風鼻塞聲重咽隔不和加苦梗旋

伏花 傷風痰涎壅盛加白附子天南星

傷風鼻內出血加茅花 傷風氣促不安

加大腹皮桑白皮 傷風鼻塞不通頭昏

加羌活荆芥 傷風不散吐血不時加生

地黃 傷風不解耳內出膿疼痛加羌活

京芥 傷風不解咽喉腫痛加苦梗 傷

風中脫寒不思飲食加去白青皮枳殼

傷風嘔吐惡心不止加丁香半夏 傷風

頭暈眼花頭倒支持不住加熟附子 傷

風時作寒慄加桂枝 傷風痰壅嘔惡不

止加白附子旋伏花半夏 傷風後時時

作虛熱不退加人參 傷風飲食不能消

化加縮砂仁青皮 傷風一向不解作潮

熱白日至日中不退日日如是加地骨皮

漳柴胡人參菴蘆袖珍方又加薄荷初感風頭痛

作熱鼻塞聲重加羌活川芎 感風腰疼

不能伸屈加官桂桃仁 感風渾身痛不

止加赤芍藥紫金皮易簡方不用紫金皮用延胡索感風

脛項強急不能轉頭加羌活官桂 腹肚

疼痛加木香 腹肚疼刺不可忍加姜黃

茱萸七粒 小腹疼痛無時不可忍加木

香姜棗 婦人忽然大便痛腫不能下地

加水香木瓜茱萸 婦人被性所苦胃脘

痠疼脅肋刺痛小便急疼加木香枳殼

婦人被氣疼所苦加木香縮砂仁 脾胃

不和中脘不快加谷茅袖珍方參茅易簡方不用谷茅用陳

皮神曲 傷食吐嘔泄瀉腹痛加乾姜木

香 心卒痛者加延胡索酒一盞 飲酒

太過忽遍身發痘或兩目昏黃加山茵陳

山梔子 中酒吐惡加烏梅丁香 婦人

經水將行先作寒熱加蘇木紅花 婦人
 產後作虛熱不退煩渴加人參地黃 產
 後發熱不退加人參黃耆 產後腰疼不
 已加當歸官桂冷嗽不已加乾姜山味子
 杏仁 脾寒加良姜青皮草果 脚氣加
 木香木瓜牛膝紫金皮茱萸川練子易簡方不
用紫感風寒發熱頭疼加不換金正氣散
 感寒頭痛壯熱惡寒身痛不能轉動加生
 料五積散 飲食不下欲吐不吐加丁香

與蘿蔔子 感寒頭痛發熱身疼分陰陽
 加敗毒石膏 婦人產後風脚手疼痛生
 料五積散人參敗毒散加木瓜不換金正
 氣散加生地黃川芎同煎
 張子和方柴胡飲子

柴胡 人參 黃芩 甘草 大黃 當
 歸 芍藥 各半
 右為粗末每服三錢水一錢生姜三片去
 滓温下 袖珍方同

張子和方防風當歸飲子

柴胡 人參 黃芩 防風 滑石 甘

草 芍藥 大黃 當歸

右為粗末每服三五錢生姜三片水一錢

煎至七分去滓溫服不拘時候袖珍方同

張子和方調胃承氣散

大黃 甘草 朴消各五錢

右為粗末每服五七錢水一大錢煎三五

沸去滓溫服食後袖珍方同

袖珍方

傷寒

抵當湯治傷寒日深表証乃甚畜熱下焦脉微沉不結胃發狂者小腹而硬小便自利者瘀血証也小便不利無血也或陽明畜熱內甚而喜忘或在大便雖硬而反易其色黑者有畜血也無表裏証但發熱日深脉雖浮者亦可下之或已下後脉數胃熱消穀善飢數日不大便有瘀血也

水蛭

炒

蟲虫

各十介
片翅

桃仁

七介

大黃

一斤

右咬咀分作二服水一盞煎半盞溫服未下再服無時

抵當丸治傷寒有熱小腹滿小便不利者為有血也當下不可余藥

水蛭

炒

蟲

各七枚
依前

桃仁

八枚

大黃

一分

右為細末蜜丸作二丸水一盞煎六分無時服血未下再服

三仙湯治山嵐瘴氣時行瘟疫并異鄉人不

伏水土面黃羸瘦不思飲食一切勞氣痰病服之

蒼朮

八兩

牛膝

二兩

地黃

四兩

右為末醋糊為丸每服三十丸空心酒下

桔梗枳殼湯治痞証胃滿不痛

桔梗

枳殼

右咬咀水二盞生姜三片棗一枚煎至一盞去滓溫服不拘時

麩皮湯治熱毒入深吐血

藥皮 黃芩 黃連 各二錢

右咬咀水二盞入阿膠錢半煎至一盞去滓通口服不拘時

甘桔湯少陰咽痛

桔梗 五錢 甘草 一兩

右咬咀分二服水一盞半煎八分去滓通口隨隨服之

桔梗半夏湯治傷寒腹脹

桔梗 半夏 陳皮 各叁錢

右咬咀生姜五片水二盞煎至一盞去渣溫服不拘時

通神散治陰証大効

藜蘆 八錢 川芎 二錢 穀精草 一兩 石菖蒲 薄荷 蔓荊子 各一兩

右為細末鼻內搐之不移時刻汗出

又方如前用葱白一大握如茶饑大用帛捲緊却以快刀切齊一指厚片安於臍中以熱熨斗熨之待汗出為度一片未効再切一片

熨之服藥如前

胡椒五錢滑石七次射香錢一

右爲末酒調服之神効

大橘皮湯治胃膈虛煩不安

橘皮兩一甘草兩一人參兩二

右咬咀每服一兩生姜十五片水二盞煎

至一盞去滓溫服不拘時

小橘皮湯治嘔噦手足逆冷

橘紅 生姜各一兩

右咬咀每服一兩水二盞煎至一盞去滓
溫服卽愈

小柴胡加生姜橘皮竹茹湯治陽証咳逆潮
熱

小柴胡湯 加生姜 橘皮 竹茹

右咬咀每服一兩水二盞煎至一盞去滓
通口服不拘時

柿蒂散治胃膈痞滿咳逆不止

柿蒂 丁香各一兩

右咬咀每服四錢生姜五片水一盞半煎至一盞去滓溫服不拘時

加味溫膽湯治心膽虛怯觸事易驚夢寐不祥異象惑感遂致心驚膽攝氣鬱生涎涎與氣搏變生諸証或短氣悸乏或復自汗四肢浮腫飲食無味心虛煩悶坐卧不安

枳實 半夏 竹茹 各八兩 橘紅 十二兩
白茯苓 六兩 甘草 四兩 香附 一斤 人參
柴胡 麥門冬 桔梗 各六兩

右咬咀每服一兩生姜五片棗一个水二盞煎一盞去滓溫服不拘時

治風寒氣疼等

白芷 枳殼 烏藥 當歸 芍藥 防風 小茴香 白朮

右件用酒半盞水一盞煎至八分去滓通日服不拘時熱加柴胡紫蘇二味

永類鈴方

南陽活人書傷寒要方

仲景傷寒百十三方証多藥少且証有異而病同一經藥同而或治兩証當辨某証者某經之病某病者某証之藥又百問中一証下有數種藥方主治者皆須將病對藥將藥合病而藥又有冷熱與辛甘發散酸苦湧泄之不同正方之下難於俱載其見於鈐方之中者加詳矣今但列見患病名於藥方之下凡有是病當求鈐方中各項傷寒門類之下其合於脉証者互考而謹擇之

桂枝湯証具太陽經可汗頭痛項強四肢疼發熱惡寒熱多寒少往來寒熱似瘧自汗各門

桂枝

參

芍藥

兩

甘草

二兩

方

乙

兩

局

右咬咀每服三錢水壹盞半生姜五片棗

二枚煎七分去滓溫服春夏加減見太陽

經可汗門素虛寒人不用加減傷寒中風

本方加黃芩一兩名陽旦湯內寒外熱虛

煩本方加乾姜黃芩壹兩名陰旦湯互見

三陰三陽經

桂枝麻黃各半湯證其發熱惡寒熱多寒少面赤似瘧各門

桂枝 芍藥 甘草各八錢 麻黃半兩 杏仁十二个泡去皮

尖去兩仁者

右咬咀每服三錢生姜四片棗一枚水盞

半煎八分温服

桂枝二麻黃一湯證具傷寒似瘧門屬太

桂枝八錢 芍藥五錢 麻黃三錢乙字泡焙 甘草二分

半杏仁八个泡去皮尖

右咬咀每服三錢生姜四片棗一枚水盞

半煎八分温服微汗

桂枝二越婢一湯證其發熱惡寒熱多寒少

各門屬太

桂枝 芍藥 甘草各半兩 石膏六錢搗碎 麻黃

半兩 泡焙

右咬咀湯使如上

桂枝加桂湯證具可汗門 加桂以能泄奔

豚氣也屬太陽

桂枝五兩芍藥三兩甘草二兩

右咬咀湯使如上

桂枝加附子湯證具四肢疼自汗惡風小便

難各門屬太陽

桂枝去皮芍藥各乙兩甘草乙兩附子半枚炮

右咬咀湯使如上

桂枝去芍藥湯証具胃滿門去芍藥以味

酸豚促胃滿恐成結胃故單用辛甘發散毒

氣

桂枝去皮乙兩甘草乙兩

右咬咀湯使如上但微寒者加附子半枚

炮小便利愈又名

桂枝去芍藥加附子湯証皆屬太陽

桂枝去桂加茯苓白朮湯証具項強發熱小

便不利各門屬太陽

芍藥 茯苓 白朮各乙兩甘草乙兩

右咬咀湯使如上小便利即愈

桂枝去芍藥加蜀漆牡蠣龍骨救逆湯証具
癸狂門

桂枝 蜀漆 各乙 甘草 乙 兩 牡蠣 二 兩 龍
骨 二 兩

右咬咀湯使如上

桂枝加芍藥湯証具腹滿痛門

桂枝加芍藥湯証具腹滿痛門 太陽病下之
腹滿痛屬太

陰

桂枝 參 甘草 二 兩 芍藥 六 兩 下利者先
煎芍藥令沸

右咬咀湯使如上

桂枝加芍藥生薑人參新加湯証具身痛門

桂枝 人參 各乙 芍藥 二 兩 甘草 乙 兩

右咬咀湯使如上

桂枝加大黃湯証具腹滿痛門 以腹滿痛
屬太陽

桂枝 六 芍藥 二 兩 甘草 乙 兩 大黃 二 兩 痛甚
分

右咬咀湯使如上

桂枝甘草龍骨牡蠣湯證具虛煩門 太陽

桂枝 半 甘草 炙 牡蠣 熬 龍骨 炙 乙

右咬咀每服三錢水蒸半煎八分溫服

桂枝甘草湯証具怔忡門屬太陽

桂枝二兩甘草乙兩

右咬咀湯使如上

桂枝人參湯証具下利心痞鞭門

桂枝各甘草各白朮各人參各乾姜各

乙兩

右咬咀湯使如上

桂枝加葛根湯証具項強自汗門伊尹湯液論桂枝浸

中加葛根監本用麻黃誤矣

桂枝芍藥甘草各六錢葛根乙兩麻

黃乙分一

右咬咀湯使如上

桂枝加厚朴杏仁湯証具喘急門屬太陽

桂枝芍藥各甘草各厚朴六錢杏仁七枚

杏仁七枚

右咬咀湯使如上

麻黃湯証具三陽經可汗發熱惡寒虛煩喘

急各門

麻黃

大節乙兩半泡
去黃汁焙乾

桂枝

乙兩

甘草

炙半兩

杏仁

去皮尖
仁十五枚

右咬咀入杏仁膏令勻每服三錢水盞半

煎八分溫服取微汗加減見前傷寒集要

麻黃杏仁甘草石膏湯証具喘急門

屬太陽

麻黃

去節二兩泡焙

杏仁

二十五介
去皮尖

石膏

四兩
搥碎

甘草

炙乙兩

右咬咀湯使如上

麻黃附子湯証具少陰証門

麻黃

炮甘草

炙各二兩

附子

乙枚
炮

右咬咀湯使如上

麻黃細辛附子湯証具少陰証門

麻黃

去節炮

細辛

去苗各二兩

附子

乙枚
炮

右咬咀湯使如上

麻黃連翹赤小豆湯証具發黃門

屬陽明

麻黃

去節泡焙

甘草

連翹

各乙兩

杏仁

二十介
去皮尖

赤小豆

一斤

梓白皮

切二斤

右咬咀每服三錢生姜四片棗乙枚水盞

半煎八分温服

黃麻升麻湯証具四肢厥逆門若下部脉不

至咽喉不利吐膿而泄利不止者難治屬厥

麻黃去節泡焙升麻各乙兩當歸乙兩知母

黃芩各分萎蕤各分芍藥 桂枝 茯苓

白朮 甘草炙麥門冬去心乾姜炮石膏碎

已上各乙分

右咬咀每服三錢水盪半煎八分温服汗

出愈

葛根湯証具項強下利門屬太陽若與陽明合病必自利

葛根乙兩麻黃去根泡焙桂枝 芍藥 甘

草炙各乙兩但嘔加制半夏乙兩又名葛根半

夏湯葛根湯

右咬咀每服三錢生姜四片棗乙枚水盪

半煎八分温服覆取汗

葛根黃芩黃連湯証具喘急門

葛根四兩黃芩乙兩甘草炙乙黃連乙兩

右咬咀每服三錢水盪半煎八分温服

小柴胡湯証具三陰三陽經可汗自汗頭痛
 項強耳聾舌胎鼻衄脅心腹痛結脹痛身
 黃手足溫嘔吐噎喘渴悸不食大便秘或溇
 小便難或不利或自可多眠譫語發熱惡寒
 往來寒熱潮熱似瘧婦人熱入血室傷寒差
 後陰陽易勞復各門五見

黃芩 乙兩半腹中痛去黃芩加芍藥參分
 心下悸小便不利去黃芩加茯苓三
 兩 乙兩半有微熱下渴去人參加桂
 枝 乙兩半溫覆取微汗愈若咳嗽
 去人參棗子加五味子 半夏 乙兩乙分湯
 乙兩乙分乾姜乙分

嘔去半夏人參加枳實 乙枚用四分之
 一 若渴者去半夏更加人參參分枳實根
 二 柴胡 四兩 甘草 乙兩 棗子 六枚若脇下
 加牡蠣 乙兩 煎 乙兩 煎
 右咬咀每服三錢生姜四片棗子三个水
 盞半煎八分去滓溫服

大柴胡湯証具三陰三陽經脉沉實可下發
 熱汗出不解惡寒倦而虛煩胸脇心腹痛結
 脹滿霍亂嘔吐下利大便鞭秘往來寒熱潮
 熱如瘧譫言口乾舌燥勞後膈噎門

柴胡 四兩 黃芩 乙兩 芍藥 乙兩 半夏 乙兩

枳實 二枚 去穰 炒乙分

右咬咀每服三錢生姜四片棗乙枚水盞

半煎八分溫服取利欲下者加大黃乙兩

身體疼表未解不可服

柴胡桂枝湯証具發熱頭疼謔語各門 屬太

柴胡 乙兩 桂枝 兩 黃芩 兩 人參 兩 芍藥 兩

半夏 乙兩 甘草 乙兩

右咬咀湯使如上

柴胡加竜骨牡蠣湯証具謔語門 屬太

柴胡 兩 黃芩 乙兩 鈎丹 兩 人參 兩 桂枝 兩

茯苓 各三錢 半夏 半合 大黃 兩 竜骨 乙兩 牡蠣 乙兩

乙分

右咬咀每服三錢生姜四片棗乙枚水盞

半煎八分溫服

柴胡加芒硝湯証具潮熱門方同小柴胡正

方等分加芒硝三兩湯使亦同 屬太

大青竜湯証具發熱惡寒煩躁身痛筋惕肉

暈痰飲傷寒集要各門治太陽中風若汗出惡風可服

麻黃 去節湯 桂枝 甘草 炙各 杏仁 二十

皮石膏 牛个雞子

右咬咀每服三錢生姜四片棗子一枚水

盞半煎八分溫服取汗若汗多不止用下

溫粉撲之

溫粉方

白朮 藁本 川芎 白芷 各等分

右為末每乙兩入米粉三兩和勻周身撲之

小青竜湯証具發熱嘔咳喘嗽痰飲腹滿小便不利各門

麻黃 乙兩半微利者去麻黃加薤花如彈

子 半枚炮小煎令赤色若嘔者去麻黃加茯苓

苓 二兩若喘者去麻黃加杏仁乙兩半去

皮 半夏乙兩乙分湯洗渴者去 芍藥 細

辛 乾姜 炮 甘草 炙 桂枝 各乙 五味子 乙

小建中湯証具發熱惡寒惡風熱多寒少腹痛
痛忪悸虛煩論并方各門

桂枝乙兩芍藥叁分甘草炙乙兩膠飴半升

或嘔者去膠飴

右咬咀每服三錢姜三片棗乙枚煎八分

入飴煎化溫服尺脈尚遲加黃芪末乙錢

煎

大陷胃湯証具可下項強心下緊滿各門屬太陽

錦文大黃乙兩連珠甘遂赤者乙字為末芒硝五分

右水二盞先煮大黃至一盞去滓下硝一

沸下甘遂末溫服得快利止後服胃中無

堅物勿服之

又大陷胃湯

桂枝人參各乙兩甘遂半兩大棗叁个栝樓實

去皮乙枚用四之一

右水二盞煎八分溫服

大陷胃丸證具心胃緊滿身腫虛煩渴各門

小建中湯証具發熱惡寒惡風熱多寒少腹痛
痛忪悸虛煩論并方各門

桂枝乙兩芍藥分甘草炙乙兩膠飴半升

或嘔者去膠飴

右咬咀每服三錢姜三片棗乙枚煎八分入飴煎化溫服尺脉尚遲加黃芪末乙錢

煎

大陷胃湯証具可下項強心下緊滿各門屬太陽

錦文大黃乙兩連珠甘遂赤者乙字為末芒硝五分

右水二盞先煮大黃至一盞去滓下硝一沸下甘遂末溫服得快利止後服胃中無堅物勿服之

又大陷胃湯

桂枝各乙兩人參各乙兩甘遂半兩大棗參栝樓實

去皮乙枚用四之一

右水二盞煎八分溫服

大陷胃丸證具心胃緊滿身腫虛煩渴各門

陽屬太

大黃二兩芒硝三分杏仁三分去皮去皮苦葶藶

子三分熬

右大黃葶藶為末入杏仁芒硝合研爛丸如彈抄甘遂末半錢匕白蜜一合水二盞煮一盞頓服甘遂性猛量虛實服之

小陷胃湯証具心下緊滿門屬太

半夏二兩黃連兩枳樓實乙枚

右咬咀每服三錢水二盞先煮枳樓至盞

半却下前藥煎八分溫服微利黃涎為度

大承氣湯証具三陰三陽經可下耳聾口乾

爛心腹滿痛膈噎喘急咳逆自利大便秘艱

蓄血發熱惡寒往來寒熱潮熱似瘧虛煩懊

懣自汗頭汗惡熱譫語小便數陰腫囊縮各

門

錦文大黃兩酒洗二兩厚朴制枳實炒

芒硝兩

右咬咀每服三錢水二盞先煮厚朴枳實

至一盞下大黃芒硝煮一二沸溫服以利為度

小承氣湯証具如人承氣湯但審脈証之微甚量酌用之并見痰飲門

大黃四兩枳實去瓢炒厚朴姜制

右咬咀每服三錢水盞半煎八分溫服以利為度

調胃承氣湯証具少陽經發熱惡寒譫語小便數或赤胸膈滿痛大便秘或溏惡熱潮熱

煩而自汗各門

甘草乙兩芒硝乙兩大黃二兩

右咬咀每服三錢水一大盞煎七分下消一沸溫服

桃核承氣湯証具太陽陽明經發熱蓄血各門

大黃四兩桂枝 甘草炙芒硝各二兩桃仁十五

右咬咀湯使如上以微利為度

梔子豉湯証具陽明厥陰經可吐發熱胃滿
虛煩懊憹不得眠各門又名梔子甘草豉湯
肥梔子十六枚香豉二兩若少氣加甘草兩半
右水二盞先煎梔子甘草後入豉煎溫服
吐愈

梔子生薑豉湯若嘔者用梔子豉湯等分加
生薑五兩先煎梔姜加豉煎溫服得吐止
後服

梔子厚朴湯下後心煩腹滿不得眠

梔子七枚制厚朴二兩枳實二枚

右分二服煎溫服得吐解

梔子乾姜湯下後身熱不去微煩

梔子七枚乾姜乙兩

右分作二服煎溫服

梔子藥皮湯身黃發熱

梔子八枚黃蘗乙兩甘草炙半兩

右水煎溫服

右小梔子諸湯病人舊有微瘧者不可服

茯苓桂枝甘草大棗湯發汗後臍下悸欲作奔豚氣者

茯苓四兩桂枝二兩甘草炙乙

右每服棗二枚用甘爛水錢半煎八分溫服甘爛水以小至盆中急攪之候有珠千百相逐取用之又北味葱白湯用勞水者同此義也

茯苓桂枝白朮甘草湯証具頭眩門屬太

茯苓二兩桂枝乙兩白朮乙兩甘草炙乙

右咬咀三錢水錢半煎八分溫服

茯苓甘草湯自汗不渴

茯苓二兩甘草炙乙桂枝二兩

右咬咀每服三錢水錢半生薑五片煎八分溫服

甘草乾姜湯証具惡寒吐逆自汗虛煩咽痛

小便數各門屬太

甘草炙四兩乾姜二兩

右咬咀每服三錢水錢半煎八分溫服

芍藥甘草湯本前甘草乾姜湯証服湯後厥愈足温者更作芍藥甘草湯屬太陽

白芍藥二兩甘草二兩

右咬咀每服三錢水棧半煎八分温服

大黃黃連瀉心湯証具惡寒心下滿門屬太陽

大黃二兩黃連二兩黃芩二兩

右咬咀每服三錢以沸湯三棧熱漬之一

時久絞去滓煖温分二服

附子瀉心湯証具惡寒自汗心滿門用上瀉

心湯三味等分絞汁別煎炮附子乙个加

上汁内温服

半夏瀉心湯証具心滿門傷寒五六日發熱而嘔柴胡湯証具反下之柴胡證仍在復與柴胡湯此雖已下而不為逆必蒸蒸而振發熱汗出而解若心下滿而鞭痛者結胃也並屬太陽

制半夏乙兩黃芩乙兩人參 乾姜炮 甘草

炙谷乙兩黃連半兩

右咬咀每服三錢棗二枚水棗半煎八分

溫服

甘草瀉心湯証具下利心滿各門傷寒中風

甘草炙二兩黃芩炙乾姜地各兩乙半夏乙兩乙

分大棗六枚黃連人參各半

右咬咀每服三錢水棗半煎八分溫服

牛黃瀉心湯証具發熱下利心滿各門陽太

黃芩炙甘草炙人參各乙兩乾姜炮黃連各

兩半夏乙兩

右咬咀每服三錢水盞半生姜七片棗二枚煎至一棗溫服

白虎湯証具三陰三陽經頭痛面垢手足逆發熱惡寒虛煩渴譫語發黃大便秘遺溺腹滿自汗各門

知母兩甘草炙乙兩粳米合石膏搗碎

右咬咀每服三錢水棗半煎八分米熟為

度去滓溫服

白虎加人參湯証具發熱惡寒四肢手足逆

身痛腹滿虛煩自汗渴譫語遺尿各門以並

石膏四兩知母乙兩甘草炙半兩粳米乙兩

人參二分桂枝半兩芍藥半兩黃芩半兩白朮半兩白芍半兩

右咬咀湯使如上味水合

白虎加桂湯治瘧疾但熱不寒等分同上白

虎湯加桂乙兩半咬咀湯使如上

白虎加蒼朮湯治濕溫多汗等分同上白虎

湯加蒼朮乙兩半咬咀湯使如上

五苓散証具太陽經可水霍亂吐利自汗煩

躁渴發熱頭痛小便不利不得眠各門

朱苓去黑皮澤瀉乙兩白朮乙兩茯苓去皮

分桂枝半兩不見火各白事治見等分却和勻

右咬咀清入脾末子濁入胃中暑心神恍

惚加辰砂隔年不可用

朱苓湯証具發熱渴嘔咳虛煩不得眠小便

不利各門及少陰下利

朱苓去皮茯苓去皮阿膠炙澤瀉乙兩滑石各乙

右咬咀每服三錢小錢半煎七分溫服

附子湯証具口噤惡寒身痛各門

附子炮一枚 茯苓 芍藥各二兩 人參二兩 白朮

二兩

右咬咀每服三錢水棧半煎七分溫服

桂枝附子湯証具傷濕身痛各門屬太陽

桂枝二兩 附子一枚 甘草二兩

右咬咀每服三錢水棧半生姜四片棗乙

枚煎八分溫服

宋附湯証具厥陰經風濕身痛身腫各門其

人大便堅小便自利者

白朮二兩 附子乙一枚 甘草炙乙兩 此湯能逐水

氣

右咬咀湯使如上

甘草附子湯証具身腫小便不利門屬太陽

甘草炙 白朮各乙兩 附子乙一枚 桂枝二兩 身腫

加防風二兩悸氣小便不利加茯苓乙兩

半

右咬咀每服三錢水棧半煎七分溫服汗

出即解

芍藥甘草附子湯治發汗病不解反惡寒者
虛也

芍藥 參兩 甘草 炙參兩 附子 乙枚

右咬咀湯使如上

乾姜附子湯証具虛煩不得眠門 屬太陽

乾姜 炮乙兩 附子 乙枚

右咬咀湯使如上

理中丸証具霍亂頭痛心滿各門大病差後

喜唾胃中有寒及勞復門

人參 乙兩 乾姜 炮 甘草 炙 白朮 各乙兩

右蜜元彈大湯化服腹中未熱加服熱湯

佐之

理中湯証具惡寒霍亂吐利胸脇腹痛脹嘔
吐泄瀉煩渴多眠欲寐各門

人參 參兩 乾姜 炮參兩 甘草 炙 白朮 各參兩 若腹

痛加人參 乙兩 寒者加乾姜 乙兩 渴者加

白朮 乙兩 臍上築腎氣動也去朮加桂 四兩

多吐者去白朮加生姜兩參下多者還用白朮悸者加茯苓兩二四肢拘急腹滿下利或轉筋去白朮加附子乙枚生用

右咬咀每服三錢水棧半煎八分溫服

四逆湯証具三陰三陽經頭痛四肢逆疼厥

身痛心腹緊滿脹痛霍亂吐利咳逆泄瀉發

熱惡寒虛煩自汗小便自利各門強人加附

子半枚乾姜乙兩半

甘草二兩乾姜炮乙兩半附子生用乙枚

右咬咀每服四錢水棧半煎七分溫服

四逆散証具四肢厥逆并疼泄瀉腹痛欬悸

小便秘各門

甘草炙枳實去瓤炒柴胡芍藥各乙兩若欬

者加五味子乾姜各半兩下利悸者加桂半兩

小便不利加茯苓半兩腹痛加附子半枚泄瀉

下重先煎薤白湯入藥煎沸溫服

右細末米飲調下

四逆加人參湯惡寒脉微而利利止者亡血

也

甘草炙二兩 附子乙枚生 人參乙兩 乾姜炮乙兩

右咬咀每服三錢水棧半煎八分溫服

茯苓四逆湯汗下後不解煩躁

茯苓二兩 人參半兩 甘草炙乙兩 乾姜半兩 附子七錢

半枚生

右咬咀湯使如上

當歸四逆加茱萸生姜湯証具惡寒泄瀉小便自利門其人內有久寒者屬厥陰

當歸洗 桂枝 芍藥 細辛各乙兩半 甘草炙

木通各乙兩 茱萸五兩

右咬咀每服三錢水盞半生薑四片棗乙枚煎八分溫服

通脈四逆湯証具腹痛霍亂嘔吐泄瀉發熱

惡寒小便自利門屬少陰

甘草炙二兩 乾薑炮三兩 附子大者生乙枚 若面

赤者加連翹葱九 腹痛去葱加芍藥二兩 嘔

者加生薑二兩 咽痛去芍藥加桔梗乙兩 利止

脉不出去桔梗加人參二兩

右咬咀每服三錢水殘半煎八分温服

通脉四逆加猪膽湯依上等分三味加猪膽

汁半合証具霍亂門咬咀煎八分入膽汁温

服

黄芩湯証具下利門用湯徹熱脉遲為寒腹

冷本不食反能食此名除中必死屬厥陰

黄芩乙兩芍藥 甘草乙兩

右咬咀三錢服棗乙枚水殘半煎八分温

服

黄芩加半夏生薑湯証具嘔吐門屬太陽

黄芩三分半夏二分芍藥 甘草各二分

右咬咀每服三錢生薑四片棗乙枚水二

錢煎八分温服

抵當丸証具胸脇小腹胀滿發黃蓄血門

水蛭熬去子五分碎剉 桃仁四枚去大

黄三分蠱虫五个去足翅熬

右為末作一丸以水一大錢煎至七分頓

服時下血不下再作

抵當湯証具腹滿蓄血吐血譫語大便秘門

水蛭十枚製法如土大黃乙酒洗蠱虫十枚去足

翅桃仁七枚去尖

右咬咀作二服水二錢煎七分溫服

茵陳蒿湯証具發黃小便不利門

嫩茵陳蒿乙兩大黃三錢人梔子三錢

右咬咀水二大錢先煎茵陳減半錢入後

二味煎八分溫服利小便如皂莢汁黃白

小便中出

牡蠣澤瀉散証具腰痛小便不利陰陽易勞

復門

牡蠣熬澤瀉洗去腥蜀漆洗去腥商陸熬葶藶熬

海藻洗去鹹栝樓根各等分

右為散飲服方寸匕小便利止後服

吳茱萸湯証具頭痛嘔吐虛煩手足逆門

人參乙兩吳茱萸乙兩六錢半

右咬咀每服四錢生姜四片棗乙枚水二

錢半煎八分作二服

真武湯証具眩暈筋惕肉瞤身痛腹痛嘔吐咳嗽泄瀉發熱惡風渴振忪悸小便自利

茯苓三分小便利者去茯苓分二芍藥分二下利

者去芍藥加乾薑分二附子一枚炮分作八片用二片嘔

者去附子加生薑兩二白朮分二若咳者加五

味子分三細辛分乙乾姜分乙

右咬咀每服三錢生姜四片水錢半煎八分溫服

烏梅丸証具發熱門屬厥陰

烏梅七枚乾姜二兩黃連四兩蜀椒出汗當歸

各乙細辛兩附子炮人參兩桂枝兩黃蘗兩

各乙

右用苦酒漬烏梅一宿去核飯下蒸熟杵成泥和丸味藥末杵九桐子大空心每服十九粒稍加至二十九禁生冷滑物

乾薑黃連黃芩人參湯証具嘔吐門屬厥陰

乾姜炮黃芩各三黃連分人參分

右咬咀每服三錢水殘半煎八分温服

赤石脂禹餘糧湯下利服瀉心理中等湯益

甚此病在下焦屬太陽

赤石脂 禹餘糧各四兩

右咬咀每服三錢水殘半煎八分温服復

不止者當利小便

旋復代赭湯發熱吐下解後心下痞鞭噫氣

不除屬太陽

旋復花 甘草 半夏湯洗各三分 人參半兩代

赭乙分

右咬咀每服三錢牛薑四片棗乙枚煎入

分温服

燒裨散証具傷寒集要并大便秘門

婦人補遺具

右水調服方寸匕小便利陰頭腫即愈

已上載仲景正方百十三道 已下載雜

方百四十六道

大橘皮湯証具惡寒虛煩門

橘皮

乙兩 炙半 人參 乙分 竹茹 半

右咬咀每服三錢生姜四片棗乙枚水二

錢煎半服

陰旦湯見前桂枝湯下湯旦湯同見

陰毒甘草湯証具身痛背強腹痛咽痛四肢

厥泄各門

甘草 炙 升麻

當歸

桂枝

各 分

雄黃

乙 分

鱉甲

乙兩 炙 蜀椒 乙分 出汁 閉口者

右咬咀每用三錢水錢半煎八分服溫覆

取汗

附子散治陰毒証具頭痛背強心腹滿痛虛

煩渴四肢疼各門

附子

三分 炮

桂心

當歸

微 炒

白朮

各半 兩

乾薑

炮

半 夏 各乙 分 泡

右咬咀每服三錢水一錢生薑半分煎六

分熱服覆取汗

正陽散証具頭痛心滿虛煩渴各門治陰毒

甘草

炙

乾薑

乙分 炮 各

射香

研 乙 錢 入

附子

炮 乙 皂

類聚卷之五十一

莢乙挺去子
酥炙黃

右末每服二錢水一錢煎五分熱服

肉桂散証具心滿虛煩四肢逆各門治陰毒

肉桂 白朮 良薑 木香 制厚朴各三

分赤芍 陳皮 前胡 附子炮 當歸

人參各乙 吳茱萸炒

右咬咀每服四錢水一錢棗三枚煎六分

熱服

天雄散正元散治陰毒傷寒見活人書

退陰散證具咳逆手足厥頭痛腰重渴各門

川烏 乾薑各等分粗末炒
令轉色放冷

右為末每服乙錢水一錢搥一捻煎半錢

溫病

陽毒升麻湯證具發在下利門

升麻分二 犀角屑 射干 黃芩 人參

甘草各乙

右咬咀水三升煎一半去滓服乙錢溫覆

手足出汗解未汗再服

類聚卷之五十一

七十一

大黃散治陽毒發狂門

大黃乙兩半 桂心三分 芒硝二兩 甘草炙 木通

大伏皮各乙兩 桃仁二十乙 介泡

右咬咀每服四錢水乙盞煎六分溫服通

利為度

梔子人湯証具發狂門

梔子仁 赤芍 大青 知母各乙兩 升麻

黃芩 石膏各二兩 柴胡乙兩 甘草炙 杏仁尖雙 炒

仁尖雙 炒

右咬咀四錢水乙盞生姜半分豉百粒煎

六分溫服

黑奴丸治陽毒發斑見發狂門 渴躁盛者

可與不渴不可與

大黃二兩 黃芩 芒硝 梁上塵 釜底煤

竈突墨入研 小麥奴各乙兩 麻黃去節

右為末蜜元彈人新汲水研一丸渴者與

冷水盡足與之須臾當寒寒已汗出差

汗再服一丸差即止須微利小麥奴乃小

麥未熟不成捻之成黑勃是也

五積散治陰經傷冷脾胃不和及感邪氣等
分與局方同加人參同肉桂等分

火焰散治傷寒惡候見虛煩門

舶上硫黃 附子生用新臈茶各乙

右為末酒調分攤塗新盃口中於火上蕩

乾合在瓦上分作五盃每一盃下燒熟艾

一拳大燒烟熏盡冷即刮取細研每服二

錢酒一錢煎七分有火焰起勿訝

五味子湯証具喘急寒多熱少門

五味子兩人參 麥門冬去心杏仁去皮橘

皮去白各

右咬咀水三錢生薑十片棗三枚煎殘半

分二服

當歸白朮散證附見大便秘門

白朮 當歸 桂枝 甘草 芍藥 人

參 黃芪各乙生薑各半附子乙枚分

右咬咀水三升煮半去滓通口服乙錢未

得微汗再服

人參順氣散証具發熱惡寒門 局方有陳

皮厚朴川芎

麻黃去節乾葛剉甘草炙白米 人參 桔

梗 白芷各二兩 白薑半兩

右為末每服三錢水一錢生薑三片葱白

二寸煎八分通口服得汗愈

蒼朮散証具發熱惡寒門

麻黃焙石膏煨蒼朮泔制桔梗 甘草炙

山茵蔯去根各半兩

右細末每服二錢水乙錢煎八分連服取

汗

麻黃葛根湯証具發熱惡寒門

麻黃焙芍藥各三兩乾葛四兩葱白七莖乙

右咬咀水乙錢溫服取汗

敗毒散証具惡風門 方見局方平等分活

人甘草減半

獨活散証具惡風門

羌活 獨活 人參 細辛 白茯苓

制枳殼 防風 黃芩 甘草 麻黃焙

蔓荆子 菊花各乙 石膏水飛

右為末每服三錢水一錢生姜三片薄荷

四五葉煎熱服

桂枝石膏湯証具頭痛門

桂枝 黃芩 甘草各半 石膏二兩 白藥

子 升麻 乾葛各三 大梔子四

右咬咀每服三錢生姜四片水錢半煎八

分取汗

葛根解肌湯治傷寒溫病天行頭痛壯熱見

局方同

萎蕤湯証具頭痛門兼治冬溫及春月中風傷寒

萎蕤三分 石膏乙兩 白薇 麻黃焙 羌活

甘草炙 川芎 生葛根尤佳 杏仁去皮

五味子各半 青木香乙分炒冬乙兩

右咬咀每服三錢水錢半煎八分

梔子升麻湯治晚發傷寒三月至夏為晚發
見活人書

聖散子方見局方多蒟朮吳茱萸二味

調中湯証具傷寒集要

大黃三分桔梗 藁本 茯苓 甘草炙 黃

芩 芍藥 葛根炙 白朮各半兩

右咬咀每服五錢水棧半煎一棧得快利
壯熱使止

麻黃杏子薏苡甘草湯証具身腫門

麻黃去節泡二分 甘草炙乙分 苡仁半兩 杏仁十枚

炒

右咬咀每服三錢水棧半煎八分溫服避
風取微汗

防已黃芪湯治風濕見身腫傷濕門

防已乙兩 甘草炙半兩 白朮三分 黃芪乙兩

右咬咀每服三錢生姜四片棗乙枚水棧
半煎八分溫服喘者加麻黃半兩胃中不
和加芍藥三分氣上冲加桂枝三分下有

陳寒者加細辛三分服後覆腰下令溫取汗差

小續命湯見局方無白朮有杏仁等分一同附子用炮者

杏仁湯治風濕見活人方

附朮散証具身腫門

附子炮白朮各乙川芎三錢獨活半兩桂心二錢

右為末三錢水一錢棗二枚煎五分溫服桂心白朮湯治傷寒陰瘕手足厥冷筋脉拘

急汗出不止陰氣內傷

白朮 桂心 附子炮 防風 川芎 甘

草炙各乙

右咬咀每服五錢水二錢姜四片棗三枚煎八分服

附子防風湯証同前

白朮 五味子各乙 白茯苓 乾姜炮 甘

草炙 防風 附子炮 柴胡乙兩 桂心半兩

右咬咀每服三錢水一錢生姜四片煎六

分温服

八物白术湯証同前

白术 五味子 羌活 白茯苓 麻黄

去節泡焙 高良姜乙桂心 附子炮各

各半兩 右吹咀每服四錢水一錢生姜四片煎五

分温服

金沸草散見局方

麻黄 赤芍藥 此方無此二味有赤茯

苓乙 細辛乙

右湯使同

大半夏湯治痰飲及脾胃不和即局方二陳

湯方見咳

神功丸証具大便秘門

大黄三兩 人參半兩 麻人五兩 訶子皮炮二兩

右煉蜜元梧子大每二十九温水下取利

連鬚葱白湯証具頭痛門

生姜二兩 連根葱寸切半升

右水二升煮一升作二三服不差服下藥

葛根葱白湯証具頭痛門

葛根 芍藥 知母各半兩 葱白一把 川芎

生姜各乙兩

右水三升煎半服

枳實理中丸証具胸脇心滿脹腹痛門

枳實十六片炒 茯苓 人參 白朮 乾姜炮

甘草炙各二兩

右細末蜜丸如雞子黃大每服一丸熱湯化下渴加栝樓根二兩下利加牡蠣二兩

煨

小半夏湯証具心滿嘔吐門

半夏五兩炮 白茯苓三兩去皮

右咬咀每服半兩水三錢煎一錢入生姜

自然汁煎一一沸熱服

桔梗枳殼湯証具心滿門

桔梗 枳殼各乙兩

右咬咀水二錢煎乙錢分二服

赤茯苓湯証具心滿嘔吐門

赤茯苓 人參 陳皮去白各兩 川芎 白

米 半夏泡各半兩

右粗末每服四錢水棧半生姜五片煎七

分溫服

香薷散治霍亂見局方

犀角地黃湯証具鼻衄斑疹門

犀角屑如無以升麻代 牡丹各乙兩 生地黃半斤

藥三分

右咬咀每服三錢水棧半煎一棧有熱如

狂者加黃芩腹不滿為無熱不可加

黃連解毒湯証具嘔吐不得眠門

黃連三分 黃蘗半兩 梔子四個 黃芩乙兩

右咬咀每服五錢煎一大棧服

酸棗湯証具虛煩不得眠門

酸棗仁四升 甘草炙乙兩 知母二兩 茯苓 川芎

乾姜各三兩 麥門冬去心一升

右粗散每服四錢水一棧煎七分溫服

梔子烏梅湯証具不得眠門

梔子 黃芩 甘草 炙各 柴胡 兩 烏梅肉

十四枚

右粗末每服四錢水殘半生薑三片竹葉

三七片豉五十粒煎七分溫服

葛根陳皮湯証具嘔吐門

葛根 陳皮 知母 杏仁 去皮 黃芩

甘草 炙 麻黃 去節泡焙

右咬咀每服五錢水二大錢煎一錢溫服

玄參升麻湯証具出斑門

玄參 升麻 甘草 炙

右咬咀每服三錢水殘半煎七分溫服

大青四物湯証具斑疹門

大青 四兩 鼓 八合 阿膠 炙 甘草 炙各

右咬咀每服三錢水殘半煎一錢入膠再

煎服

知母桂心湯証具似瘡門

知母 二兩 麻黃 去節 甘草 炙 芍藥 黃芩 桂

心 各乙

右咬咀每服四錢水棧半生姜四片煎八分溫服取微汗

三黃丸治發黃吐血見局方

桔梗半夏湯証具腹滿痛門

桔梗炒陳皮洗半夏生各乙枳實兩

右咬咀四錢生姜三片煎七分熱服

三黃熟艾湯証具大便秘門

黃連黃芩黃蘗各三熟艾雞子

右咬咀水二棧煎七分溫服

薤白湯証具下利腹痛門

薤白一斤大梔子七

右水二升先煎梔子十沸入薤白取一升

二合服

治中湯治脾胃傷冷胸膈不快腹疼氣不和

見局方

麻黃加朮湯治中濕

麻黃去節乙蒼朮甘草炙各桂枝乙杏

仁三皮五枚

右咬咀每服三錢水錢半煎八分温服

竹皮大丸治虚煩

竹茹二分桂各二分白薇各二分石膏各二分甘草各三分

右棗肉丸彈大米飲服

古今錄驗橘皮湯証具咳嗽門

陳皮 紫苑 麻黃去節 當歸 杏仁 甘

草 桂 黃芩各半兩

右水煎服

黃連橘皮湯証具發斑嘔吐門

黃連四兩 陳皮 杏仁去皮尖 枳實炙 麻黃去節

炮葛根各二兩 制厚朴 甘草炙各二兩

右咬咀三錢水一錢煎八分服下利當先

止

麥門冬湯治勞氣欲絕

麥門冬去心 甘草炙二兩

右水二錢加粳米半合棗二枚竹葉十五

片煎服

傷風傷寒

小青龍湯治傷寒表証不解心下有水氣乾嘔發熱咳嗽微喘又肺經受寒咳喘

大青龍湯治傷寒頭痛發熱惡寒無汗煩躁

六脉浮緊

四逆湯治傷寒自利脉微欲絕手足厥冷者

姜附湯治傷寒自利六脉沉伏手足厥冷

五苓散治傷寒汗後發渴小便不利

小柴胡湯治傷寒發熱如瘧脅滿痛小便

不利大便秘澀

大柴胡湯治傷寒十餘日不解邪氣結在裏

身熱煩躁譫言大便不通繞臍刺痛

白虎湯治傷寒大汗後表証已解或吐下後

邪毒未除熱結在裏心胃煩渴但飲水

竹葉石膏湯治傷寒已經汗下表裏俱虛津

液枯竭心煩發熱氣逆欲吐及諸虛煩熱

方見傷寒論注解

石九方並見前活人集要方中

五積散治傷寒頭痛發熱惡寒方見諸寒門

經驗秘方

傷寒

清氣散治風壅熱盛涎潮氣急煩燥不寧身熱作渴恍惚驚悸

牛黃

石膏

各一兩半

大黃

甘草

炙

白僵蠶

炒去絲青各半兩

天南星

曲一兩

朱砂

別研三錢

腦

子三錢

研別

右為細末每服二錢新汲水調下食後

神仙佐經湯專治寒暑流注足三陽經手足

拘急疼痛行步艱難頭目暈腫關節掣痛增寒發熱有汗惡風卒中昏塞大小便秘澁腹痛嘔吐下痢惡聞食氣腿髀頑麻緩縱不能隨行熱悶心煩驚悸氣上臍下冷痛喘滿肩息精神不美

麻黃

去根節

乾葛

北柴胡

桂心

北防

風

川羌活

厚朴

姜制

北細辛

漢防已

枳殼

炒

白茯苓

黃芩

半夏

湯洗七次

白薑

炮甘草

炙

小草

遠志

麥門冬

去心

香白芷

川當歸 川芎 白朮 人參 白芍藥

川獨活

各一兩

右咬咀每服五錢水二盞生姜三片棗子
一个煎至一盞去滓空心服有汗去麻黃
加牡礪少許無汗去桂心加陳皮前胡升
麻各少許大便秘澁加大黃竹瀝喘嗽加
杏仁桑白皮紫蘇腫滿加澤瀉木通所加
並等分凡有此等證逐一加減無不愈者
常服消痰下氣却風濕去腫滿美食令人

不虛江南諸師固有此方非父子兄弟不
傳得者尤當慎用

治傷寒結胸

大黃連

七寸巴豆

十四粒去殼存皮

右同擣爲末津唾調成膏置臍中以艾炷
灸藥上候熱透腹中方止不拘壯數灸了
卽以溫湯浸手怕拭之去毒此方屢常救
人

神朮散治四時傷寒初覺便用

甘草微炙一兩 防風一兩 蒼朮三兩去麩皮

右咬咀每服五錢水三盞生姜七片帶鬚

葱三莖同煎至七分濾去藥滓內再入水

一大椀煎至三五沸去滓溫服候少時探

出澁苦水漱口淨却將先煎出藥溫服之

次飲酸醋湯蓋睡汗出為效簡奇方同

大羌活湯治內外所感汴梁名醫王孝先常用 桂枝麻

黃焙用者莫輕易我有一神方不犯三陽

忌羌防芎細芷苓草朮生地劉為麤末煎

風寒俱解利若加生地黃八味同相對葱

自用水煎兩感亦能退簡奇方同

生料五苓散治傷寒溫熱病表裏未解頭疼

發熱口燥咽乾飲水小便不利及汗出表解

煩渴不止霍亂吐利中暑引飲及熱在裏身

發黃疸

澤瀉二兩 豬苓 白朮 茯苓各一兩

右為末每服半貼水一盞半煎至一盞去

滓熱服不拘時候

小正氣散治傷寒時氣憎寒惡風胃膈咽塞
脇肋膨脹心下堅痞吐痢嘔逆不思飲食

半夏 厚朴各三兩 藿香 陳皮各一兩 甘草

七錢

右為釐末每服四錢生姜三片棗一枚水

一盞半煎至七分食前熱服久患瘧疾膈

氣心痛日進三服即愈

治陰證傷寒

川練子大者一二枚
燒灰存性

右為極細末熱酒調服如病急灌服出汗

愈

又方以上等好滑石極細末好酒熱調服

治陰證急傷寒以上蜂窩與隔年葱同搗為

泥丸如大彈子塊令患人兩手各握藥一

塊次用艾三四兩於丸上然著後用瓦蓋

於患人曲膝下熏至汗出為度若其人頂

心微有木腫即用此法

又方用乾姜末醞醋調勻塗於兩手心掬住

外腎汗出為度如不醒人事人與之搦婦人用手掩陰門人效

傷寒陰證而青欲死者皆治之

木賊一兩半良姜兩半

右為細末每服三四錢熱酒調下不省者灌之隨用被蓋汗出則愈

治傷寒白龍丸以滑石二兩研碎水飛過焙乾用法酒或醅糊為丸彈子大如用時將藥火內燒通紅放於碗內急用熱酒兩盞

傾在內其藥自化趁藥熱即服用被蓋之汗出即愈

通氣散治時氣頭赤腫咽喉閉塞不通

黎盧半兩躑躅二錢半皂角是也豬牙皂角芎各一兩玄胡一兩

右同為細末紙撚蘸藥一米搖鼻取嚏為效簡奇方同

七聖餅子治時氣結胃發黃藥入口即止用黃連七寸為細末巴豆仁七個同研入蜜

少許和作餅子放臍中用艾炷灸之以利
為度急用水洗去以防瀉脫

簡奇方同

治傷寒結胃用白頭蚯蚓一條連泥土燉研

極細用無根深井花水調服其結胃自開

將欲死者即可還生已救數人○經驗良

方治傷寒陽證結胃死無可藥者右用曲

善即蚯蚓拾五條乾者搗爛蜜半盞冷水

半碗灌服無蜜沙糖亦妙

治陰證傷寒以寒水石為極細末每服五錢

好熱酒調下汗出為效

七寶散治大人小兒傷風感寒渾身發熱頭

痛體痛隆興劉則行常用大效

紫蘇葉

香附子

炒去毛

橘皮

桔梗

去蘆各一

兩甘草

炙

白芷

川芎

各半兩

右為粗散每服四錢水一人盞姜三片棗

一枚煎至七分去滓稍熱服二服滓再煎

無時

人參羌活散治陰陽二感風寒發熱頭疼傷

食嘔吐心胃滿悶酒食所傷

人參 川芎 羌活 白芷 升麻 芍

藥 甘草 紫蘇 香附子 乾姜各一兩

右咬咀水一盞半姜三片煎至一盞如要

出汗熱服如頭疼加生葱白一根同煎服

如煩熱加薄荷五葉同煎皆不拘時小兒

感冒嘔吐發熱白水煎服

神授太乙散主四時瘟疫流行不問陰陽兩

感頭痛壯熱增寒拘盡急痛無問大人小兒

孕婦久病壯熱胃痞疾嗽悉皆治療

青皮去穢 川芎不蛀 白芷不蛀 桔梗去穢 枳殼

柴胡去穢 陳皮去穢 香附子炒去穢 蒼朮去穢

皮防風去穢 藁本去穢 甘草不蛀 細辛去穢

藿香去穢 赤芍藥 羌活各一兩 乾葛有粉

升麻去穢 紫蘇葉以枝

右各揀精粹取新者不用舊藥再秤不差

分兩剉為粗末小兒五歲已上每服三錢

新水中盞半生姜三片棗三個葱白三根

同煎七分去查通口服一大盞查再煎十
歲之上每服半兩新水一大盞半生姜五
片棗五個葱白五莖同煎七分去查通口
服二大盞查再煎大人每服七錢半新水
三大椀生姜七片棗七個葱白七根煎七
分去查通口服二大椀病勢甚者先嚼葱
姜引子用椀內藥熱氣額上熏徐徐通
一氣熱服查再煎熱服二大椀併進二服
前疾立差如久發熱骨痞肌瘦去姜葱新

水依上煎溫服三服立效 久患頭痛身
疼每服加川芎白芷赤芍各一錢姜葱依
上煎熱服 時毒頭面項頸腮腋皆腫咽
痛去引子白新水加鼠粘子荆芥穗防風
加葱中節三莖同煎溫食後服併進三五
服消滅立安忌辛熱物 小兒瘡疹未分
葱白減姜棗同煎去查溫服出快 一身
皆痛依時氣傷寒治法用引子更加桂白
芷赤芍依上煎服 頭風頭痛上壅風勢

加荆芥穗茶芽葱白同煎不用姜棗
婦人月事不調發熱加炒淨香附子白芍荆
芥穗烏梅同煎無時身有大瘡舉作加
牛蒡子金銀花荆芥穗各三錢加入前藥
同煎去引子連熱服三大椀汗出立消散
瘡頂津潤得用生礬末頻糝上散速脩配
如法服餌志誠克効務廣其傳

醫方類聚卷之六十二